

Wat Vincent Zag

Martijje - december 2022

Zie je hier wat Vincent zag?

Vredige heide, het veen

Het leste licht van elke dag

Tweeduuster kalm um je hen

Een strak gezicht, zo hard an't wark

Bescheiden, met weinig tevree

Vin je hier wat Vincent vun?

En wil je hier ok zo geern weden

As je lief en leed achterlaoten hebt

Aj wat leren wilt misschien?

Kom je met de trein eerst in Hoogeveen

Want je wol geern Drenthe zien

Ziej de plaggenhutten en de boerderijen?

Lila lucht, een rode zun

zwarte modder, broene eerde

Staopels turf en koren gruun

Zie je hier wat Vincent zag?...

Pak de trekschuut dan gao op Veenoord an

Ziej de meensen langs de kaant?

Langs de vaort het veld, oetgestrekt en bried

Witte wieven boven t laand

Aj dan eenzaam bint, bij de kachel zit

Schrief je brieven an je breur

Vi'j hier rust en inspiratie?

Word je kalm deur de natuur?

Zie je hier wat Vincent zag? ..

Aj gien centen hebt veur wat stoet of varf

Aj je zörge maakt misschien?

Is de tocht naor Sweel dan zoas een dreum

Bliej het schiere Drenthe zien?

Ziej de herder staon en de schaopen gaon?

Bij de toren van kark

Wol je hier wel langer blieven?

Wol je hier nog an het wark?

Zie je hier wat Vincent zag?

De vredige heide het veen

't Giet soms aan as je verwacht

Het tweeduuster valt um je hen

Aj reist neem je jezölf ok met

Misschien bi'j niet altied tevree?

Vin je hier wat Vincent vun?

En wil je hier ok zo geern weden?

...Zie je hier wat Vincent zag?

Wil je hier ok zo geern weden?